

ҚАЗАҚСТАН АЙМАҚТАРЫНДАҒЫ МЕМЛЕКЕТТИК ҚЫЗМЕТ: ОНЫҢ ДАМУЫНА ҮІҚПАЛЫН ТИГІЗЕТИН ФАКТОРЛАР

НҰРТАЗИН МИРБОЛАТ
СҮЙЕУҰЛЫ

әлеуметтану ғылымдарының кандидаты, ҚР Президенті жаңындағы Мемлекеттік басқару академиясының БҚО бойынша филиалы профессоры, Орал қаласы

ЖЕКСЕНҒАЛИЕВ БОЛАТ
ӨТЕҒАЛИҰЛЫ

ҚР Президенті жаңындағы Мемлекеттік басқару академиясының БҚО бойынша филиалы аға оқытушысының м.а., Орал қаласы

УДК: 35.08(574)

Анната. Макалада мемлекеттік қызмет реформасының аймақтық деңгейде жүргізілуінің практикалық аспекттері қарастырылады. Мемлекеттік қызмет институттарының қалыптасу үлгілері келтіріледі және Мемлекеттік қызмет істері жөніндегі үекілді орган мен жергілікті атқарушы органдар қызметінің негізінде бірінші институционалдық реформаны іске ассыру барысы талданады. Кадрларды іріктеу және жылжыту бойынша әнірлердегі персоналдық басқару қызметі (кадр қызметі) практикасынан талдау келтірілген. Мемлекеттік қызметтің кезең-кезеңмен реформаларын жүзеге ассыру бойынша кейір табысты қадамдарды атап өте отырып, авторлар әнірлік және орталық органдар мен сарапшылар қоғамдастырының қатысуымен шешілуі қажет аймақтардағы мемлекеттік қызметтің мәселелерін талқылауға шығару.

Тірек сөздер: аймақтық мемлекеттік қызмет, басқару жүйесі, институционалдық реформа, персоналдық басқару қызметі.

Аннотация. В статье рассматриваются практические аспекты реформы государственной службы Казахстана на региональном уровне. Приводятся, примеры становления институтов государственной службы и анализируется ход реализации первой институциональной реформы на основе деятельности уполномоченного органа по делам государственной службы и местных исполнительных органов. Приведен анализ из практики деятельности служб управления персоналом (кадровая служба) в регионах по подбору и продвижению кадров. Отмечая некоторые успешные шаги по реализации поэтапных реформ государственной службы, авторы выносят на обсуждение проблемы государственной службы в регионах, которые необходимо решать с участием региональных и центральных органов и экспертного сообщества.

Ключевые слова: институциональная реформа, государственная служба, принцип меритократии, карьерная модель, служба управления персоналом, подбор кадров, институт наблюдателей и экспертов

Annotation. The article discusses the practical aspects of the reform of the civil service of Kazakhstan at the regional level. It gives examples of the formation of public service institutions and analyzes the implementation of the first institutional reform based on the activities of the authorized body for civil service and local executive bodies. The analysis from the practice of the personnel management services (personnel service) in the regions for the selection and promotion of personnel. Noting some successful steps to implement gradual reforms of the civil service, the authors put forward for discussion the problems of civil service in the regions, which need to be addressed with the participation of regional and central bodies and the expert community.

Keywords: institutional reform, public service, meritocracy principle, career model, personnel management service, recruitment, institute of observers and experts

Тәуелсіздік алғаннан бергі үақытта Қазақстан түрлі салада айтартықтай табыстарға жетті. Жарияланған реформалар ресурстарды мемлекеттік басқару мен мемлекеттік қызмет жүйесін нығайтуға, салық жүйесінде заңның үстем болуына, бизнесі жүргізу жағдайларын жақсартуға және әлеуметтік қамтамасыз ету жүйесі мен тұластай алғанда елдің дамуына қолдау көрсетуге бағыттау шараларынан тұрады. Елдің ұзақ мерзімді даму жоспарына сәйкес мемлекеттің басты мақсатының бірі 2050 жылға қарай әлемнің дамыған 30 елі қатарына ену болып табылады. Осыған

орай жылдар бойы қалыптасқан билік пен басқару қағидаттары жүйесін түгелімен қайта қарастырылады. Өйткені қоғам да, қоғамдағы азаматтардың қажеттілігі де өзгерген еді. Оларға енді мемлекеттік басқарудың бұдан да тиімді жүйесі, тұрғындар мен мемлекеттік жүйе арасындағы қатынастың басқа түрі, технологиялық революция талаптарына сай келетін шешімдер қабылдау мен саясатты жүргізу дін жаңа, өзгеше типі қажет.

Бүгінде біз жаһанданған әлемде өмір сүрудеміз. Бұл әлемде дәстүрлі құндылықтар қайта қаралып, қоғамдық

МЕМЛЕКЕТТІК БАСҚАРУ ЖӘНЕ МЕМЛЕКЕТТІК ҚЫЗМЕТ

халықаралық ғылыми-талдау журналы

қатынастар жаңаруда. Сондықтан да мемлекеттің механизмі жұмыс істеуінің тиімділігін қамтамасыз ететін жаңа қағидаттар негізінде мемлекет құрылымын өзгерту үрдісі басталды. Еліміздің қоғамдық өмірінің экономикалық, саяси және басқа да салаларында болып жатқан түбегейлі өзгерістер барлық мемлекеттік органдардың құрылымына, қызметінің сипаты мен мазмұнына айтарлықтай өзгерістер әкелді. Тәуелсіздік алғаннан бері мемлекеттік қызмет реформасы немесе әкімшілік реформа тұрақты түрде жүргізіліп келді. Бұл өдetteтте арнайы тұжырымдама қабылдау, сол сияқты Мемлекет басшысының Жарлығымен немесе заңнамаға өзгерістер енгізу арқылы, кейбір жағдайда жаңа заң қабылдау арқылы жүзеге асты. Бұл үрдісте Қазақстан ең үздік тәжірибелі пайдалану үшін және реформа барысында қателіктер жібермеу мақсатында үнемі өзге елдер жүргізген реформаларды сараптау мен зерттеу ісімен шұғылданды. Ұлы Абай өз халқының сүйеніші мен тірері болу үшін өзге елдер алған білімді ал, үйрен, оқы деп тегін айтпаған болар [1].

Мемлекеттік қызмет саласындағы түбегейлі өзгерістер үшін жаңа құқықтық, экономикалық, әлеуметтік және басқа да институттарды енгізу қажеттігі туындағы. Кеңес кезеңінде әкімшілік басқару аппаратында болғандардың қызметтік іс-әрекеті (құқықтық жағы, еңбек қызметін бастау, өту және тоқтату тәртібі, еңбек ақысын төлеу жүйесі және т.б) КСРО – ның еңбек туралы жалпы заңнамасымен реттелді. Қазақстан тәуелсіздігінің алғашқы жылдарында да кадрларды басқарудың осы кеңестік құрылымы болды. Жаңа жағдайда кеңестік мемлекеттен мұра болып қалған партиялық-мемлекеттік аппаратқа мемлекеттің тез өзгеріп отырған рөліне бейімделу қажет болды. Елдің қоғамдық өмірінде «мемлекеттік қызмет» ұғымының болмағанын да ескерген жөн. Сондықтан да Қазақстанның мемлекеттік қызмет жүйесін мемлекет қызметіндегі жаңа қоғамдық құбылыс ретінде институционализациялау қажет болды.

Осылайша, тәуелсіз Қазақстанда мемлекеттік басқару жүйесіндегі бөлек те

дербес институт ретінде мемлекеттік қызметтің негізі қаланды.

Туындаған мәселелер мен қындықтарға қарамастан сол тұста ел басшылығы қабылдаған шаралардың өте маңызды болғаны сөзсіз. Осы кезеңде мемлекеттің кадрлық әлеуетін сақтай отырып өзгермелі сыртқы орта шарттарына сай мемлекеттік басқару жүйесін ұйымдастырудың сәтті қадамы жасалды, мемлекеттік қызметтің қазақстандық моделін одан әрі дамыту мен жетілдірудің негізі қаланды.

Қазақстанның мемлекеттік қызмет жүйесіндегі бүгінгі институционалдық реформаның нақты айқын мақсаттары бар. Ол – мемлекеттік қызмет көрсету мен экономикалық бағдарламалардың сапалы орындалуын қамтамасыз ететін қазіргі заманғы көсіби және автономдық мемлекеттік аппарат қалыптастыру. ҚР Парламенті Сенатының тәрағасы Қ.-Ж.К. Тоқаев «Қазақстан – реформалық бағыттағы мемлекет. Біз қай салада болмасын, экономика немесе саяси салада біздің қоғамды трансформациялауды тоқтатуға болмайтынына нық сенімдіміз. Қандай жағдай болса да, құрылымдық реформалар жалғаса беруі тиіс» [2] деп ой түйсе, XIX ғасырда Шоқан Уәлиханов «...Біздің заманымызда халық үшін барлық жағынан алғанда маңызды және халық үмітіне тікелей қатысты мәселе – экономикалық және әлеуметтік реформалар... Өйткені барша жүрт және әрбір адам өз дамында түпкі мақсатына, өмір сүру жағдайын жақсартуға ұмтылады»[3, 486.]деген екен. Осылайша сол уақыттың өзінде ұлы ғалым өз халқының түрмисын жақсарту үшін өзгерістерге үлкен үміт артқан және қазақ даласындағы реформаның өзіндік нұсқасын дайындалған еді.

Қазіргі кезде Қазақстан 2050 жылға әлемнің дамыған 30 елі қатарына енуімен байланысты Үшінші жаңғыруын орындау кезеңіне кірісті. «100 нақты қадам» ұлт жоспарында ел жаңғыруын іске асырудың нақты шаралары белгіленген және Ұлт жоспарының алғашқы 15 қадамы Қазақстанның мемлекеттік қызмет жүйесіндегі өзекті мәселелерін шешуге бағытталған [4]. Дамудың халықаралық тәжірибесімен бірге Ұлттық

МЕМЛЕКЕТТИК БАСҚАРУ ЖӘНЕ МЕМЛЕКЕТТИК ҚЫЗМЕТ

халықаралық ғылыми-талдау журналы

ерекшеліктерді ескерген Қазақстанның қазіргі мемлекеттік қызмет жүйесінде елеулі өзгерістер байқалады. 2016 жылдың басынан меритократия қағидаттарына, нәтижелілікке және мемлекеттік қызметтің карьерлік моделіне бағытталған құзыреттілікке негізделген «Мемлекеттік қызмет туралы» жаңа заң қолданысқа енді [5].

Елімізде қалыптасқан дәстүр мен заңнамалық негіз мемлекеттік қызметтің мәдени-әлеуметтік сипаттағы ерекше тәртібін айқындауды. Осыған байланысты біз аймақтық мемлекеттік қызметтің даму түімділігіне ықпалын тигізетін негізгі факторларды бөліп көрсеткіміз келеді. Біздің түсінігімізше аймақтық мемлекеттік қызмет дегеніміз белгілі бір салада мемлекеттік саясатты ел аймақтарында жүзеге асыру аспектілері болып табылады. Елімізде 14 аймақ (облыс) бар екені белгілі.

Бірінші, мемлекеттік қызметке қабілетті кадрларды іріктеу мен жоғарылату жүйесін барынша жетілдіру. Мемлекеттік қызметке іріктеу мен жоғарылатуда біліктілікке басымдық беру мен конкурстық негіз қойылған міндеттерді орындаудағы маңызды үрдіс болып табылатынын атап өткен жөн. Мемлекеттік қызметке алғаш кірушілер заңнаманы білу деңгейін анықтайтын сынақтан (тестілеу), жеке тұлғалық қасиеттерін (белсенділік, коммуникативтілік, ойлау қабілеті, әдептілік, сапаға бағытталу, тұтынушыға бағытталу, сыйбайлас жемқорлыққа тәзбеушілік) бағалаудан және мемлекеттік органда өтетін әңгімелесуден тұратын үшкезендік іріктеуден өтеді. Осы үшкезендік іріктеу мемлекеттік қызметке мейлінше дайын және дарынды кадрлардың келуіне ықпал етуі тиіс. Қазір мемлекеттік қызметке алғаш келген қызметші өз қызметін конкурстық негізде тәменгі лауазымдардан бастайды. Бұл меритократия қағидатына тән енгізілген мансаптық қалыптың басты постулаты. Ол жеке қатынастарға, достық, туыстық байланыстарға негізделген патронаж жүйесіне қарама-қарсы. Меритократия қағидатына тән тасты құндылық – мемлекеттік қызметте өсуге шынайы ұмтылыс жасаушылар үшін әділдік пен

нақты әлеуметтік көпірді қамтамасыз ету. Сол сияқты мемлекеттік қызметте мансаптық өсуді ұйымдастыруды алдымен мемлекеттік орган қызметшілері арасында ішкі конкурс өткізу, жөнімпаз анықталмаған жағдайда барлық мемлекеттік органдар қызметшілері арасында конкурс өткізу де әбден сарапталған, нақтыланған жүйеге айналды және бұл қызметшілерде карьерлік өсу келешегіне қатысты сенімділік пен мұдделілік, қызығушылық тудыруды. Одан әрі, кандидат анықталмаған жағдайда барлық азаматтар арасында жалпы конкурс өткізіледі.

Бұның барлығы елімізде мемлекеттік қызмет жүйесі жаңаруда және конкурстық негізде мансаптық өсу моделі іске қосылды деп сенімді түрде айтуға мүмкіндік береді. Сонымен бірге біз меритократия қағидаты кей жағдайда өзін-өзі ақтамаған жағдайлар болған өзге елдер тәжірибесін де мұқият зерделеуіміз керек. Бұл жағдайлар туралы Майкл Янг [6] және и Кристофер Хэйс [7] мысалдар келтірілген.

Екіншіден, мемлекеттік қызметте карьералық өсуге мақсатты ұмтылысы бар және қызметке лайықты азаматтар үшін әділдік пен нақты әлеуметтік көпірді қамтамасыз ету. Бұл персоналды басқару қызметінің үйлесімді, нәтижелі жұмысы арқылы жүзеге аспақ. Ал мемлекеттік қызметтегі іріктеу мен өсудің шынайылығын сарапшылар мен бақылаушылар институты қамтамасыз етуі тиіс. Қазақстан Республикасының Мемлекеттік қызмет істері және сыйбайлас жемқорлыққа қарсы іс-қимыл Агенттігі отандық және шетелдік сарапшылар мен бақылаушыларға қойылатын талапты күшейту, соның ішінде азаматтық сектор әлеуетін пайдалану міндетін алға қойып отыр.

Үшіншіден, мемлекеттік қызметте басталған реформаларға дейін мемлекеттік органдарда персоналды басқару ісімен шүғылданатын құрылымдық бөлімшесі кадр бөлімі болды. Оларға конкурстық іріктеу үрдісін ұйымдастыру және сонымен бірге аттестаттау, оқытуды ұйымдастыру, біліктілігін арттыру мен қайта даярлау міндеттері жүктелген еді. Біздің еліміз

МЕМЛЕКЕТТИК БАСҚАРУ ЖӘНЕ МЕМЛЕКЕТТИК ҚЫЗМЕТ

халықаралық ғылыми-талдау журналы

Сияқты унитарлық мемлекет жағдайында орталық және ірі аймақтық мемлекеттік органдарда жоғарыда аталған міндеттерді орындау үшін көбіне кадрларды дайындау немесе техникалық оқыту бөлімдері құрылса, штаттық құрамы аз шағын мемлекеттік органдарда барлық жұмысты бір кадр маманы атқарып отырды. Сол сияқты кадр бөлімдері кадрлық жұмыстың ақпараттық, әдістемелік және үйлестіруші орталықтарына айнала алған жоқ. Кадр бөлімі персоналды басқару жұмыстары міндеттелген құқық, еңбек пен еңбекақыны ұйымдастыру, еңбек қауіпсіздігі және техника қауіпсіздігі сияқты құрылымдық бөлімдермен араса жұмыс істеді. Өлеуметтік мәселелерді шешу үшін мекемелерде әлеуметтік зерттеу және қызмет көрсету бөлімдері құрылды.

Аймақтарда персоналды басқару қызметі кәсіби тұрғыдан алғанда әлі әлсіз және әзірге тәмен ұйымдастырушылық мәртебеге ие болып отыр. Бұл аймақтық деңгейдегі мемлекеттік органдарда персоналды басқару қызметі дербес құрылымның болмауымен байланысты. Мемлекеттік органның кадрлық қызметінің тәмен мәртебесі қызметкерлерінің кәсіби деңгейімен де байланысты. Осы арада екі сұрақ туындаиды. Кадрлық қызметтің тәмен мәртебесіне кәсіби емес қызметкерлер құрамы әсер етті ме? Немесе кадрлық қызметтің тәмен мәртебесі кәсіби емес қызметкерлер құрамының қалыптасуына ықпалын тигізеді ме? Бұл арада елдегі жалпы еңбек нарығында «Персоналды басқару» мамандығы, соның ішінде мемлекеттік қызметтегі кадрларды басқару бойынша мамандардың жетіліксіздігіне байланысты туындал отырған мәселе туралы айтқан дұрыс болар. Орталық атқарушы органдар мен олардың аймақтық бөлімдеріндегі кадр қызметі қызметшілерінің білім деңгейіне жасалған сараптама бойынша кадр қызметшілерінің 89 пайызында құқықтық, экономикалық және техникалық білім болса, профильді, яғни персоналды басқару саласы бойынша арнайы білім тек қызметшілердің 2 пайызында ғана болды. Қалған 9 пайыз қызметшілердің білімі басқа сала бойынша болған.

Мемлекеттік органның кадрлық қажеттілігін болжай мен жоспарлау, құрамдағы қызметшілердің біліктілігін арттыру қажеттілігін бағалау, таланттыларды анықтау және мемлекеттік орган ішінен кадр резервін құру, мансаптық өсуді жоспарлау мәселелері бойынша мемлекеттік қызметшілерге кенес беру мен тағы да басқа жоспарлы жұмыстарды айтпағанда мемлекеттік органдардың кадр қызметінің жаңа мамандарына кадрлық іс жүргізу мен еңбек құқын жұмыс барысында менгеруге тұра келді [8].

Жоғарыда көлтірілген мәселелер кадр жөніндегі қызметкердің имиджі мен мәртебесін көтеру және мемлекеттік органның персоналды басқару қызметінің орны мен рөлін қайта қарау қажеттілігін көрсетіп тұр. Сонымен бірге персоналды басқару қызметі саласындағы алдыңғы қатардағы жетістіктер мен озық тәжірибелі жан-жақты зерттеп, отандық тәжірибене енгізу жолдарын қарастыру және елдегі әлеуметтік-экономикалық өзгерістерді табысты өткізумен үйлесетін, қоғамдық және мемлекеттік дамудың қазіргі парадигмасына сай келетін аймақтық кадр қызметін дамытудың жаңа технологияларын қарастыру да уақыт талабы.

Бұрын, командалық-әкімшілік жүйе жағдайында бұл міндеттер екінші кезектегі болып есептелсе, нарықтық экономика жағдайында бұл міндеттер алдыңғы, өзекті мәселеге айналды және бұл міндеттерді шешуге әр мекеме мүдделі. Персоналды басқару қызметі бойынша мамандың кәсіби дайындық деңгейіне қойылатын талапты оның лауазымдық міндеттерінің мазмұны мен ауқымы айқындаиды. Қойылған міндеттерді табысты орындаудың басты шарттарының бірі - нормативтік сананың қалыптасуы, терең этикалық білімнің болуы, басқару персоналының этикалық мәдениет деңгейін жетілдіруге деген сенімділіктің болуы. Сонымен қатар кадрлық саясатты практикалық тұрғыдан іске асырудың құрамды бөлігі ретінде өзін-өзі жетілдіруге деген мақсатты ұмтылыс және тек кәсіби емес жеке тұлғалық қасиеттерін тұрақты түрде дамытып отыру да персоналды басқарудың барлық кезеңдері үшін

МЕМЛЕКЕТТІК БАСҚАРУ ЖӘНЕ МЕМЛЕКЕТТІК ҚЫЗМЕТ

халықаралық ғылыми-талдау журналы

қажетті болып табылады. Бұған персоналды басқару қызметі едәүр өкілеттілікті алғанын да қосуға болады. Бұлардың ішіндегі ең маңыздысы - мемлекеттік органның бірінші басшысына тікелей бағынышты болуы.

Кадр қызметі үшін қызметшілер жұмысының барынша ашықтығы мен қызметті бағалаудың әділдігін (өзін-өзі бағалау, айналма бағалау, комиссиялық шешім құралдары мен әдістері) қамтамасыз ету басты міндет болып есептеледі. Биылғы жылдың 1 жартыжылдығында өткен «Б» корпусы әкімшілік мемлекеттік қызметшілерін кешенді аттестаттаудың барлық кезеңдерінде аттестаттаудан өтетін қызметшілердің материалдарын сапалы да шынайы дайындау міндетін де персоналды басқару қызметі мамандары атқарды.

Елімізде экономикалық жағдайдың тұрақты болмауы, саяси жағдайдың өзгеруі әр адам үшін үлкен мүмкіндітермен бірге оның жеке өмірінің тұрақтылығына айтарлықтай қауіп те әкеледі, әр адамның, оның ішінде мемлекеттік қызметшінің де өміріне белгісіздік пен сенімсіздік әкелуі мүмкін. Бұл жағдайда персоналды басқарудың маңызы артады: ол адамның сыртқы ортага бейімделуіне қатысты тұстастай мәселелерді жинақтау, талдау және іске асыруға, мекеменің персоналды басқару жүйесін қалыптастырудың жеке-тұлғалық факторды ескеруге мүмкіндік береді. Тұстастай алғанда мемлекеттік қызметшілерге ықпалын тигізетін үш факторды бөліп айтуда болады.

Бірінші – мемлекеттік органның (мекеменің) иерархиялық құрылымы. Бұл жағдайда ықпал етудің негізгі құралы – билік пен бағынушы құрылымның қарым-қатынасы, мемлекеттік қызметшінің лауазымдық нұсқаулықтарын дәл орындаудың бақылау мен міндеттеу арқылы қызметшіге жоғарыдан қысым көрсету.

Екінші – мәдениет, яғни қоғам, билік құрылымдары және сараптау топтары бірлесе қалыптастыратын мінез-құлық тәртібі мен әлеуметтік нормалар және ортақ құндылықтар. Талаптар қызметшінің өзін басқаша емес, сол жеке тұлғаның іс-әрекетін реттейтін талаптар

бойынша үстауына ықпал етеді. Мысалы, мемлекеттік қызметшілердің Этикалық кодекс нормаларын сақтауы.

Үшінші – қызмет көрсету мен қызмет алу және әлеуметтік мәртебесі әр түрлі, түрлі еңбек саласындағы жеке тұлғалар қатынасы негізіндегі өзара тең қарым-қатынас, яғни қызмет көрсетуші мен қызмет алушы мұдделерінің теңдігі.

Ықпал етудің бұл факторлары мен үғымдары күрделі және іс жүзінде жекелей іске асуы сирек. Мемлекеттік органдың имиджі осы факторлардың қайсысына басымдық беруімен тікелей байланысты болмақ.

Мемлекеттік органның (мекеме) ішіндегі бастысы – қызметшілер, ал сыртқы қатынаста -қызметті (өнімді) пайдаланушылар. Қызметшілер санасын бастыға, яғни басшыға емес, пайдаланушыға, ысырапшылдыққа емес түсімге, құр орындаушылыққа емес белсенділікке бұру қажет. Адамгершілік нормаларын сақтай отырып, саналы ойға негізделген әлеуметтік нормаларға көшу керек. Қорытындысында иерархия мәдениет пен этикаға жол береді.

Адалдық пен әділдік, тұрғындар мұддесі мен қажеттілігін назарда үстау және олардың сұранысына дер кезінде, сапалы және кәсіби деңгейде жауап беру барлық қызметшілер үшін басты талап екені сөзсіз. Бұл мінез-құлық стандартын сақтамайтындар қоғам алдында мемлекеттік аппарат беделіне нұқсан келтіреді деуге болады. Мемлекеттік органды білікті қызметшілерді сақтау, адекватты емес қызметшілер қызметін түзету, қойылған стандарттар талаптарына сай келмейтіндерді қызметтөн босату шараларын да білікті де принципиалды кадр қызметшілері жүргізеді.

Қазақстан Республикасында 2000 жылдан бастап мемлекеттік қызметтің алдымен позициялық, кейін позициялық – карьерлік (манасптық) моделі іске асырылуда. Қазіргі реформа бойынша мемлекеттік қызметтің карьерлік (манасптық) моделіне басымдық берілді. Бұл моделді іске асыру үшін нормативті құжаттар дайындалды. Бұл – іріктеу конкурсының жаңа ережелері, «А» корпусының әкімшілік мемлекеттік лауазымдарының резерві үшін арнайы

біліктілік талаптары, «Б» корпусының әкімшілік мемлекеттіклауазымдары үшін типтік біліктілік талаптары және т.б.

Жүргізіліп жатқан реформаның тиімді жақтарымен бірге сарапшылар қоғамдастыры мен орталық және аймақтық органдардың қатысуымен шешуді қажет ететін мәселелер де бар.

Бірінші мәселе – аймақтық мемлекеттік органдардың, әсіресе жергілікті атқарушы органдардың мемлекеттік қызметшілері тәртіптік санкцияларға жиі тартылуы. Бұл бақылау-қадағалау міндеттері жүктелген өкілетті органдардың негізінен орталық және облыстық деңгейде болуымен байланысты. Тексеріс қорытындысы бойынша бұл органдар қаласын, қаламасын нұсқаулық ескертпелер шығарады, ал ол бойынша жіберген кемшіліктер үшін қызметшілерді тәртіптік жауапкершілікке тарту көзделген. Мемлекеттік қызмет жөніндегі өкілетті органның жылдық мониторингі бойынша жергілікті атқарушы органдарда мемлекеттік қызметшілерді тәртіптік жазаға тарту жиі кездесетіні анықталды. Сондықтан да бүгін мемлекеттік қызметшінің әлеуметтік мәртебесін қорғау өзекті мәселенің болып отыр. Оны іске асырудың ең осал тұсы – қорғаудың құқықтық жағы. Бұның себебі – қызметшілердің мәртебелік-лауазымдық тұрақсыздыры, жұмыс уақытының нормативті болмауы және жүйкелік-физикалық салмақтың мөлшерден тыс болуы [8, 197 б.].

Екінші мәселе – реформалаш үрдістеріне көп жағдайда кедергі көлтіретін ауылдық жерлердегі IT технологиясының жеткіліксіздігі. Олар - онлайн-режимдегі және интернет арқылы берілетін ақпараттық хабарландырудың жоқтыры немесе қыындыры, E.gov, e.kuzmet жүйесіне қосылған ақпараттық желілер мен нормативті-құқықтық актілер деректері базасына қол жеткізудің әлсіздігі, кейде тіпті мүмкін болмауы. Осы мәселелер мемлекеттік қызмет көрсету сапасы әсер етеді және мемлекеттік қызметшілердің біліктіліктерін арттыру мен өзінше іздену, білім алуға ұмтылышын тежейді, сонымен бірге жергілікті атқарушы органдар қызметінің тиімділігі мен нәтижелілігіне көрі әсерін

тигізеді. Сол сияқты ауылдық жерде орналасқан Халыққа қызмет көрсету орталықтары да техникалық себептерге байланысты мемлекеттік қызмет көрсетуде төмен жылдамдық, әлсіз сигнал немесе интернетке енудің болмауы сияқты қыындықтарға ұшырауда.

Үшінші мәселе – реформа нәтижелерін аймақтық деңгейде бағалаудың мүмкін болмауы. Аймақтарда іс жүзінде бұл бағытта ешқандай зерттеусараптау жұмыстары, нақты айтқанда үкіметтік емес үйымдар тарапынан әлеуметтік сауламалар жүргізілмейді. Негізінде сапалы деректер бар, аймақтық деңгейдегі тақырыптық зерттеулерге сай келетін сенімді ғылыми-зерттеу жұмыстары болмай аймақтық мемлекеттік органдар жұмысы нәтижелерін бағалау мүмкін емес.

Төртінші мәселе – жергілікті мемлекеттік органдар қызметінің тиімділігі мемлекеттік бағдарламаларды іске асырумен тікелей байланысты. Мемлекеттік бағдарламалардың табысты орындалуы кей жағдайда мемлекеттік қызметшілерге байланысты болмай да жатады, кейде бағдарлама ережелері мен нұсқаулықтары жергілікті жағдайға бейімделмеген болып шығады. Бағдарламаның орындалу механизмі орталықта және жергілікті жердегі жағдай мен инфрақұрылымды, елді мекендердің орналасу алшақтырын, әлеуметтік және басқа да ерекшеліктерді ескермей жасалғандықтан әсіресе аймақтық бағдарламалардың (мысалы, ауылшаруашылық өнімдерін өндірушілерді субсидияландыру) орындалуында кідірістер бар.

Қазір ҚР Президентінің №152 Жарлығын [9] орындау барысында әкімшілік мемлекеттік қызметшілерді ауыстыруды «орталық – аймақ» схемасы басым. Бұл арада біздің ойымызша аймақтар бағдарламасын аймақтарда жұмыс істеу тәжірибесі бар қызметшілерге дайыннататын «аймақ – орталық» схемасы әлдеқайда тиімді болар еді.

Бесінші мәселе – мемлекеттік қызмет реформасы мен жергілікті өзін-өзі басқару жүйесі реформасының бюджеттік реформамен байланысында

МЕМЛЕКЕТТИК БАСҚАРУ ЖӘНЕ МЕМЛЕКЕТТИК ҚЫЗМЕТ

халықаралық ғылыми-талдау журналы

келіспеушіліктердің болуы. Мысалы, ауылдық округ әкімі лауазымы сайланбалы, бірақ бұл лауазым Е-Р-1 санаты бойынша әкімшілік мемлекеттік қызметшілер реестріне енгізілген. Ал бұл санат қызметшілері үшін заңнамалық талап – конкурстық іріктеу. Біздің ойымызша елде жүріп жатқан жаңа бюджеттік реформалар аясында ауылдық округ әкімі лауазымы мұқият реттелуі керек.

Мемлекеттік қызметтегі, соның ішінде персоналды басқару (кадрлық) қызметіндегі патронаж бен неопатизмді аластау бағытында басталған өзгерістер әрбір мемлекеттік қызметшіге өзінің адаптация мен кәсіби тәжірибесі лайықты бағаланады деген үміт пен сенім әкелуде.

Институционалдық реформалардың басты сипаты бұл өзгерістер тек реформалауға ғана емес, мемлекеттік қызмет жүйесін одан әрі дамытуға бағытталғандығында. Біздің практикалық бағыттағы байқауларымыз бен жүргізген зерттеулеріміз Қазақстанның мемлекеттік қызмет жүйесінің кезеңдік реформалары тұтастай алғанда қойған мақсаттарына жетуде деп қорытындылауға мүмкіндік береді, дегенмен заман талаптарына сай болу үшін белгілі бір кезеңге нақты күш-жігерді қажет ететіні де сөзсіз.

ӘДЕБІЕТ

1. Адамгершілік бастауы – махаббат пен әділдік: Абайдың дана ойлары. Дереккөз:<https://mix.tn.kz/mixnews/nachalo-chelovechnosti-lyubov-spravedlivost-mudryie-myisli-324008/>
2. ҚР Сенат тәрағасы Қ. Тоқаевтың қауіпсіздік мәселелеріне арналған Мюнхен конференциясында сейлекен сөзі. 17.02.2017, parlam.kz
3. Уалиханов, Ш. (1949). *Мақалалар мен хаттары*. Алматы.
4. Ұлт жоспары Елбасы Н. Назарбаевтың бес институционалдық реформасын жүзеге асырудың 100 нақты қадамы (мамыр, 2015 ж.)
5. «ҚР мемлекеттік қызмет туралы Заны» №416-V ЗРК 23.11.2015 ж.
6. Young, M. (2001, June 28). Down with Meritocracy. *The Guardian*.
7. Hayes, Ch. (2012). *Twilight of the Elites. America After Meritorcracy*. New York: Broadway Paperbacks.
8. Кульжамбекова А.Е., Сулейменова Г.К. (2014). *Система кадровой работы в государственных органах Республики Казахстан*. Астана: ТОО «Дәмә».
9. ҚР Президенті 2015 жылдың 29 желтоқсандағы №152 Жарлығы «Мемлекеттік қызмет өткерудің кейір мәселелері туралы».

Реформалар негізінен орталықта бағытталған және аймақтарда бұл реформалардың әсері, ықпалы да бәсеке және бұл орталық пен аймақтар арасында үлкен алшақтыққа әкелуде. Аймақтық қызметтің барлық аспектілерін соның ішінде аймақтық мемлекеттік қызметті де қамтитын аймақтық реформа қажет. Бұл мемлекеттік қызметтің кадрлық әлеуетін көтеруге және мемлекеттік қызметшілердің кәсіби біліктілігін арттыруға ықпал етер еді. Ғалымдар мен сарапшылар жүргізген талдаулар қоғамда, соның ішінде аймақтық деңгейде де саяси өзгерістерден тәуелсіз, кәсіби және тұрақты мемлекеттік қызмет жүйесін құру үшін бұл реформаларды аймақтық деңгейде жүргізу қажеттілігі туралы сенім пісіп-жетілгенін көрсетуде. Қазіргі мемлекеттік қызмет азаматтардың занды мүдделері мен құқығын қамтамасыз етуге, мемлекеттік қызмет пен азаматтық қоғам институттарының өзара байланысы механизмін құруға, мемлекеттік қызметтегі сыйайлас жемқорлыққа қарсы тұруға, мемлекеттік қызмет пен мемлекеттік қызметшінің абырай, беделін көтеруге бағытталуы керек.